



Inatsisartunut ilaasortaq  
Randi Vestergaard Evaldsen, Demokraatit

**Naalakkersuisut nutaat pillugit § 37 naapertorlugu apeqqummut nr. 2016-261-imut akissuteqaat.**

21-11-2016  
Sags nr.2016-17571  
Dok. nr. 4013916

Asasara Randi Vestergaard Evaldsen,

Postboks 1015  
3900 Nuuk  
Tlf. (+299) 34 50 00  
Fax (+299) 32 50 02  
E-mail: govsec@nanoq.gl  
www.naalakkersuisut.gl

Inatsisartut suleriaasianni § 37 naapertorlugu Naalakkersuisut nutaat pillugit apeqqutit matuma kingulianiittut saqqummiuppatit. Apeqqutitit uannut akisassanngorlugit innersuunneqarput.

**1. Naalakkersuisooqatigiit inissittut suna peqqutigalugu susassaqarfiit qulit pilersippaat, arfineq sisamaasimasut?**

Siumut, Inuit Ataqatigiit aamma Partii Naleraq akornanni naalakkersuisooqatigiinnissamut isumaqatigiissut 27. oktober 2016-imeersoq ukiuni marlunni Naalakkersuisuni politikkikkut suleqatigiinnissamut ilaatigut siunnerfinnik tunngaviusussanillu aalajangersimasunik arlalinnik imaqarpoq. Politikkikkut suleqatigiinnissaq pillugu isumaqatigiissutip ilaatut Naalakkersuisuni politikkikkut akisussaaffeqarfiit agguarnissaat pillugu partiit akornanni isumaqatigiissuteqartoqarpoq.

Naalakkersuisuni politikkikkut akisussaaffeqarfiit nutaamik agguarneqarnerisa malitsigisaanik, siusinnerusukkut Naalakkersuisuusunut naalakkersuisoqarfinni akisussaaffeqarfiit agguarneqarnerannut naleqqiullugu, politikkikkut akisussaaffeqarfinnik agguaanermi arlalinnik annertuunik allanngortitsisoqarpoq aammalu politikkikkut akisussaaffeqarfinnik nutaamik pingaarnersuisoqarluni.

Politikkikkut sulinissamut pisussanut pilersaarut, naalakkersuisooqatigiinnissamut isumaqatigiissut Naalakkersuisunut nutaanut tunngavissiisoq, tunngavigalugu naalakkersuisooqatigiinnissamut isumaqatigiissutip atsiogatiigiissutigineqarneranut atatillugu, Naalakkersuisuni akisussaaffeqarfiit isumagineqarnissaannut, Naalakkersuisut Inatsisartunut piffissap qinersiviusup sinneranut Naalakkersuisut, ataani atsiortunga ilanngullunga, 10-inik ilaasortaqaassat, partiit naleqqutsippaat. Tamanna suliaassap ulloq 27. oktober 2016 suliarineqarnerani Inatsisartut taperserpaat.

Aammattaq paasissutissiissutigisinnaavara paasinninnera malillugu, Naalakkersuisut atorunnaartut amerlassusaat katitigaanerallu Naalakkersuisunngortut amerlassusilerneqarnerannut katitigaanerannullu aallaavigineqartassasoq, politikkikkut ileqqorineqanngimmat imaluunniit inatsisini aalajangersakkani allassimasoqarani. Tamanna aamma maannakkut Naalakkersuisuni naalakkersuisunngortitsinermi tunngavigineqarpoq.

**2. Susassaqarfiit qulingat qanoq annertutigisumik aningaasartuuteqarfigitiginerulissava? Uani Naalackersuisunngortoq akissarsiai kisimi pineqanngilakka, kisiannili aamma atorfilittanut allaffeqarfitsigullu aningaasartuutigineqartussat eqqarsaatigalugit.**

Naalackersuisuni allannortitsinermut atasunik immikkut aningaasartuuteqassasoq nalinginnaasuuvoq, assersuutigalugu nuunnernut, inissiamik innersuussinermut aamma Naalackersuisuni ilaasortaajunnaartunut ilaasortaajunnaarneriutitut, aammalu taannaannaq isigigaanni Naalackersuisut amerlisinneqarnerat aningaasarsianut, allatsit sullissinerannut assigisaannullu aningaasartuuteqarnerulernermik malitseqartussaavoq.

Illuatungaani siunertaavoq Naalackersuisut maannakkut katitigaanerminni Siumut, Inuit Ataqatigiit aamma Partii Naleraq akornanni naalackersuisooqatigiinnissamat isumaqatigiissut malillugu aamma politikikkut suleqatigiinnerup malitsigisaanik akisussaaqqarfiit, suliassat aamma anguniagaasut naammassinissaannut, piareersimalluassasut. Tassunga atatillugu Naalackersuisut katitigaanerisa akuerineqartup malitsigisaanik aningaasaqarnikkut sunniutaasussat suussanersut kisitsisitaleruminaappoq. Ilanngullugu Namminersorlutik Oqartussat aningaasartuutaat aammalu isertitaat Naalackersuisut suliniuteqarnerisa malitsigisaanik ataatsimut isigalugu qaffassanersut imaluunniit appassanersut.

Naalackersuisut suliaqarnerannut aningaasartuutit tamarmiusut annertussusaat, aningaasanut inatsimmi aningaasaliissutinit pingaarnernit, Inatsisartuni akuerineqartunit, aammalu ilassutitut aningaasaliissutinit Inatsisartut Aningaasaqarnermut Akileraartarnermullu Ataatsimiititaliaannit akuerineqartunit, aalajangerneqartarpoq. 2017-imi aamma ukiuni tamatuma kingornaniittuni Naalackersuisut suliaqarnerannut aningaasartuutissatut naatsorsuutigineqartut, aningaasaliissutinit 2017-imut aningaasanut inatsisissatut siunnersuutip suliarineqarnerani Inatsisartuni suliarineqartut akuerineqartullu, takuneqarsinnaassapput.

Apeqqummut akissuteqaatinni allanik oqaaseqaatissaqanngilanga.

Inussiarnersumik inuulluaqqusillunga



Kim Kielsen